



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O DODJELI POJEDINAČNE „ŠESTOAPRILSKE NAGRADE
GRADA SARAJEVA“
U 2024. GODINI
Zdravko Čolić
(prijedlog)

*Predlagač: Odbor za dodjelu
„Šestoaprilske nagrade Grada Sarajeva“ u 2024. godini*

Obrađivač: Stručna služba za poslove Gradskog vijeća

Sarajevo, mart 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka s) Statuta Grada Sarajeva („Službene novine Kantona Sarajevo“, broj 7/23) i člana 17. stav (4) Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, br. 41/22 i 49/22), Gradsko vijeće Grada Sarajeva, na sjednici ___ održanoj dana _____ godine, donijelo je

(*prijedlog*)

ODLUKU
O DODJELI POJEDINAČNE „ŠESTOAPRILSKE NAGRADE
GRADA SARAJEVA“
U 2024. GODINI

Član 1.

Dobitnik pojedinačne „Šestoaprilske nagrade Grada Sarajeva“ u 2024. godini je *Zdravko Čolić*, za značajna ostvarenja i značajne rezultate rada u oblasti kulture i umjetnosti.

Član 2.

Nagradu uručuje gradonačelnica Grada Sarajeva i predsjedavajući Gradskog vijeća na Svečanoj sjednici Gradskog vijeća.

Član 3.

„Šestoaprilska nagrada Grada Sarajeva“ dodjeljuje se u obliku Povelje i sadrži novčani iznos.

Član 4.

Ova Odluka stupa na snagu danom donošenja, a objavit će se u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj: 01-GV-02- ____ /24
Sarajevo, __.__.2024. godine

OBRAZLOŽENJE

PRAVNI OSNOV

Pravni osnov za donošenje ove odluke je sadržan u odredbi člana 31. stav (1) tačka s) Statuta Grada Sarajeva („Službene novine Kantona Sarajevo“, broj 7/23) kojim je utvrđena nadležnost Gradskog vijeća da, između ostalog, odlučuje o dodjeli „Šestoaprilske nagrade Grada Sarajeva“, kao i odredbi člana 17. stav (4) Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, br. 41/22 i 49/22), kojim je propisano da Gradsko vijeće donosi konačnu odluku javnim glasanjem na sjednici Gradskog vijeća zatvorenoj za javnost.

RAZLOZI ZA DONOŠENJE ODLUKE

„Šestoaprilska nagrada Grada Sarajeva“ dodjeljuje se kao najviše društveno priznanje za značajna ostvarenja i značajne rezultate rada u oblastima:

- a) privrede,
- b) nauke i obrazovanja,
- c) kulture i umjetnosti,
- d) sporta,
- e) zdravstva i socijalne zaštite,
- f) drugim oblastima rada i stvaralaštva,

bez obzira na godinu ostvarenja, a koji doprinose ukupnom unaprjeđenju, promociji i razvoju grada Sarajeva, kao glavnog grada Bosne i Hercegovine i Federacije Bosne i Hercegovine. Pod značajnim ostvarenjima, podrazumijeva se djelovanje i rezultati ostvareni u kontinuitetu koji se smatraju doprinosom razvoju odgovarajuće oblasti, u skladu s kriterijima uobičajenim za konkretnu oblast, a koja doprinose ukupnom razvoju, odnosno promociji grada Sarajeva.

Sastavni dio obrazloženja je prijedlog pristigao po Javnom pozivu za predlaganje kandidata za dodjelu „Šestoaprilske nagrade Grada Sarajeva“ u 2024. godini.

Nagrada se dodjeljuje kao pojedinačna Nagrada za izuzetan doprinos *Zdravku Čoliću*, za značajna ostvarenja i značajne rezultate rada u oblasti kulture i umjetnosti, a u skladu sa Odlukom o uslovima i načinu dodjele „Šestoaprilske nagrade Grada Sarajeva“.

Odbor za dodjelu „Šestoaprilske nagrade Grada Sarajeva“ u 2024. godini je, razmatrajući pristigle prijedloge za dodjelu Nagrade, utvrdio prijedloge odluka za dva kandidata za dodjelu pojedinačne Nagrade i to Prijedlog Odluke o dodjeli Nagrade *prof. dr. sci. Branislavi Draženović rođ. Peruničić* za doprinos u oblasti nauke i obrazovanja, kao prvorangiranom kandidatu i Prijedlog Odluke o dodjeli Nagrade *Zdravku Čoliću*, za doprinos u oblasti kulture i umjetnosti, kao drugorangiranom kandidatu. Gradsko vijeće se, javnim glasanjem, određuje o konačnom dobitniku pojedinačne Nagrade u 2024. godini, na sjednici Gradskog vijeća, a razmatrajući ova dva navedena prijedloga.

S obzirom na naprijed izneseno, Odbor za dodjelu „Šestoaprilske nagrade Grada Sarajeva“ u 2024. godini je cijeneći kriterije iz člana 4. Odluke o uslovima i načinu dodjele „Šestoaprilske nagrade Grada Sarajeva“, utvrdio prijedloge odluka i uputio ih Gradskom vijeću na razmatranje i konačno odlučivanje javnim glasanjem, u skladu sa članom 17. navedene Odluke.

PREDLOŽENA RJEŠENJA

Članom 1. se imenuje dobitnik Nagrade u 2024. godini.

Članom 2. se određuje da Nagradu uručuje gradonačelnica Grada Sarajeva i predsjedavajući Gradskog vijeća na Svečanoj sjednici Gradskog vijeća.

Članom 3. je utvrđeno da se Nagrada dodjeljuje u obliku Povelje i sadrži novčani iznos.

Članom 4. se određuje stupanje na snagu odluke i obaveza objavljivanja u „Službenim novinama Kantona Sarajevo“.

SREDSTVA

Sredstva za realizaciju ove odluke se planiraju u Budžetu Grada Sarajeva.